



生文集

四

埋墓

服部文庫

417

2019

21



南郭先生文集四編卷之八

平安

服元喬子遷著

男 雄仲英輯

墓碑

太宰先生墓碑

太宰先生諱_道字德夫號春臺物夫子嘗為其考栢
樹翁作墓碑載在集考以上具焉先生生于信陽飯
田幼隨考東稍長仕石侯數
乃_白 畝落以輟去之西此
歲十年是時物夫



119728(21)

子曰

學于東都

東壁暇

公相助修業而次

公西歸東壁乃顧夫子之門從

日多然後傑可與

適夫子道者猶未至東壁幼嘗已同先生受書搗謙
野先生者服其敏學因思先生數書招之會錮亦解
先生遂東至則見物夫子說其學以為得所歸乃事
夫子與東壁二三子講習古學博文約禮敦尚經典
物夫子沒益詳究先王之道孔氏之書鬱為大師弟
子諸侯大夫至州野士日益進先生既勵已行以直
方自居從游之徒莫不奉名教唯謹爾畏如大府前

後所見諸侯甚多未嘗枉已而求見焉進退必以禮
安貧樂道終不復仕然其志則曰儒者之學折中孔
子孔子所祖述先王歷聖政治之道具存焉用之則
行如有用我者何以哉故又未嘗忘經世之用故沼
田侯好學愛賢禮遇先生先生亦深相得焉侯在政
府嘗從容語侯曰方今遭不諱之朝然時制所闕無
路居下上疏陳事純雖微賤幸因侯而若得言一二
得失或又觸聞以賤人妄犯上被嚴刑萬一以身有
補於濟衆亦志所願心不識可也侯曰試乃可也遂

上封事不報然世已異其特立而益敬仰其非記問
浮華之學先生幼受孝經論語於太翁及學成益尊
尚焉漢孔氏傳古文孝經久亡彼亦而獨存吾邦
因校訂諸博士家所傳作音註而刊之復因沼田侯
獻諸朝政府諸公聞之爭求於侯侯為並貽焉又
本師說更加所見作論語古訓及外傳又作家語增
註以為此三者庶見孔氏遺則故用意特勤焉先生
強記且於事精詳其考究書籍一字不苟過必歸正
然後止他所著書凡數十亦皆學者傳尚焉書題併

平日規行門人稻垣長章為誌松崎惟時狀行詳于
二文延享丁卯五月晦逝年六十八葬東都北谷中
天眼寺栢樹翁之兆初娶末松氏無子再娶前川氏
亦無子子養阿武家之子名定保元喬以同盟相識
三十餘年乃顧夙昔物夫子與二三子已先逝矣天
復不憚遺先生哀哉因作銘曰學之道師嚴然後道
尊先生之敬教成人學立道存

芳子公墓銘

余讀鶉士寧所記乎子公之墓之狀悲乎斯人修行

南齊書卷之八
而不潰于成雖然不成奚憾亦已因憾而得斯六子
公之安瞑可知余復念其生平重以斯銘銘曰順親
克長有道獲上命短天乎志則可償信乎朋友死乃
有辭斯微好文斯焉取斯

江士瑤墓碣

江士瑤諱大圭士瑤字出自藤姓其先執人遷遠長
江世爲豪族因氏焉後改江家天正中 大駕移軍
于遠時有諱吉久者以世長鄉里數見給事 行在
名益重歷五世而諱吉忠者男二人長吉節繼宗次

吉年分產別家實爲父太公生士瑤及女三人太公
欲子孫以學興視士瑤自幼異常使專就學不問家
事女皆適嫁乃以季女妻小池氏子光政字玄泰迎
家承事以故士瑤得游方而別成業焉士瑤學鄉數
年講藝東都從余游初見試其所業既成矣性沈敏
寡言乃篤學亦如其人同社相視爲益者止幾以儒
事小田原侯娶同藩豐曰氏生男女各一人延享戊
辰正月廿五日以疾卒自其所事所友莫不哀惜所
事公弟兵部君恤其兒藐孤爲表墓石乃命喬志焉

南寧集四編 卷之八
士瑤初東，近余居，終不相遠，相會社業，前後如一。前
余西游，亦與伴行，因得過其鄉，見太公及玄泰，故殊
得悉其學，與其人，乃無兵部君命，固將不忘葬，二緣
山中威德院，既石焉，乃作銘曰：學成父志，唯命不遂，
子孫無已，尚錫爾類。

故法眼雲夢越公墓碑

故法眼雲夢越公諱正珪，字君瑞，今歲延享戊辰三
月廿五日卒。其考平菴先生，塋於麻布天真寺。於是
即葬焉。公以貞享三年丙寅正月生，享保九年甲辰。

嗣家十五年庚戌，叙法眼寬保三年癸亥，謝病致仕，
號雪翁。乃至今歲享年六十三，配村井氏，男二人，長
正白，字長庚，早卒。次正山，字叔嶽，實既嗣家承祿，孫
男女今已二人，皆叔嶽子也。元喬交公于社盟三十
餘年，以相識殊深，嘗誌平菴先生墓，既受其譜牒，紀
世家序爵祿，具焉。又序公集，暨他文辭，交會道其為
人數焉。乃顧前時公之克家守業，貞矣。公之尚古愛
文固矣，亦皆所謂謹厚純懿，耽學篤專，喬汗不至阿
所好，唯公之厚德，既必乎多福，而方踰中壽，乃以故。

乎嗚呼斯爲憾矣且徃護社之方盛也直諫多聞
時相輔不下數十輩至於謂喬也足以心交相與者
獨公及故平文莊數人而已文莊逝已十數年今復
失公於喬哀莫傷焉雖然天不可知也公之福未盈
詒厥燕翼其在後嗣乎且今叔嶽申好舊要不渝則
雖曰公不沒可也襄事竣矣刊石之役喬不敢辭乃
附哀憾之辭重以墓銘銘曰交道莫貴於知心非文
誰知其所知生交公以斯道沒報公以斯辭

温卿墓銘

温卿惟良之字愿卿惟恭之兄井出氏所生延享戊
辰三月廿九日没年三十八自幼羸弱不肯婚宦安
父母家靜然無私營其死也偃然寢室無病而終葬
于萬松山白雲菴後圃圃隣少林良也生每言其地
蓋心乎愛矣故即安厝焉父服元喬既葬愿卿于少
林識其墓今復喪温卿無子無弟乃哀終始吾家没
沒唯補病而又思其恬莫異常故即其墓爲銘曰解
邪蛻邪此即窳邪神之攸逝白雲無際

淨英子墓碑

壺井氏相傳其先三河高須族後徙京南伏見更氏
馬鄉推爲黨正及豐臣氏都伏見大築城邑居日繁
諱某者與三雲高由二家三分邑民治闡闡之政至
國初墮伏見城然其地陪京南南扼諸畿且自大
坂成都官道百有餘里水陸兩通大小諸侯諸司朝
聘往來商旅貨財悉天下半莫不皆由此焉最爲要
路以故自國初建鎮臺擇諸侯尹其地壺井氏爲
黨正如故蓋七世會無子自一柳氏來嗣家氏曰祐
佐翁諱益德長子諱益秋寔爲淨英子翁既見其地

公役殊劇而民乏產業志欲賑恤元祿中參政米倉
侯東來巡察京畿之政乃見伏見衰敝鄉不堪役憂
之召翁問利害遂用其議東歸上聞特賜伏見澱
漕公船二百艘會尹臺闕代未至時有從他縣請造
船而不能成建部侯來尹始駭賜船未成朝恩
中阻復召翁議因命董其事翁健有才略既肯受以
爲任乃募富商運貨者令得隨新造而漕船算守法
無私加商貨家大喜爭願隸焉翁拱手司其事尹未
幾大小二百船整然浮殿行旅得便鄉民就業尹嘆

大悅賞之上其事。朝命令翁三年一東得與朝正之儀通行十二年而澱漕舊有公船千二百餘嘗辜權得擅於是害伏見船分其漕不得加私利數構事請廢伏見船寶永中姑罷伏見船俄失業者數千人翁甚憂之乃父子俱東力請復其船及北條侯為尹革諸敝政時翁已卒淨英後先副父翁共事於是復具其利害上訴尹侯審理欲再興之享保中攜淨英東朝具以聞。朝議復。賜伏見公船大小二百艘與舊船並漕因令察舊船非法事上告蓋並漕則各

自相勵不得擅一私加雇賃雇賃賤則行旅輸財天下便之不獨伏見居民成生是。國家惠政之意云。三年朝正拜。上。賜物諸依父前例淨英剛毅持重而才略亦不減先翁。何造船復行嘗失業者皆盡鳩聚行路相驩而猶尚時為舊黨所動搖淨英乃據。朝命執契不撓屬者得依焉享保甲寅小掘侯來鎮亦患其動搖相煽於是淨英建白以船隸鎮臺為重侯乃乞。朝命許之司其事如故實寬保三年也寬延戊辰八月五日病卒年六十四葬黃檗山麓

興院先翁之兆法謚曰淨英淨英子自父翁廢興世
千年苦心焦肝為國家立利世之功并又成家世
司其事然其勞亦劇中壽未幾沒歟悲夫昔父翁俱
東請復也乃指余長女約婚後淨英再業逆娶生男
三人長子克成繼司其事次公允在家次天又養妹
夫子恒德為第二令繼黨正女子二人皆天孫女一
人尚幼余既以婚姻故得詳其本末創基之功且有
裨國家惠政庶可銘焉銘曰孝平善繼先志而施
於有政可謂善述事矣

良昭夫人墓碑

良昭夫人今守山侯源公賴寬配也尾支封故高須
侯諱義孝女高須者義孝沒無後而族但馬侯義淳
來嗣乃於夫人為養弟尋遷本藩稱尾公更名宗勝
使其弟二男義敏承封高須云母本莊氏故濱松侯
諱資俊子也夫人以享保辛亥歸守山侯諱茂登子
字花夕為人溫恭貞慤仁善慈惠加以姿色端麗容
貌有儀通為君大體稱內政有助焉好書讀論語及
和漢紀事明識不佞佛考紘之忌哀慕誠發俎豆

南齊集 卷之六
奠必敬齊如旁習閨闈閒雅之技琴瑟靜好婉如
善國風性愛花卉自撰其所詠歌有花夕集三卷
葉集五卷生二子長女初名久子後尾公愛命其名
幾子次男賴罷天以側室益田氏所生為夫人子又
天乃以其同母弟賴種為子是為世子愛慈天性如
己自出寬延己已得疾經月不已其小間猶尚顧謂
侍女某曰多年詠什雖己自撰未遑成書今如此物
何對曰苟精矣脫稿而已何憂乃命寫焉則嫣然有
喜色亦以其篤好也至病革漱梳不廢言語安靜體

容恬如遂至九月廿一日不起終於守山第夫人以
正德三年癸亥十月十七日生至是歲年三十有七
葬東都城北小石川法傳寺蓋亦侯家先塋所在也
襄事謚良昭追夫人志也碑題則寺法所識蓋從邦
俗云守山侯令侍史狀命喬以銘辭於是謹叙其略
綴以碑銘其銘曰古之賢淑乎顯乎四德其不可詳
乎窈窕中闕發乎情者國風乎亦德之衷

大泉大夫水野君墓碑

大泉大夫水野君諱元朗字明卿號華陰相呼稱

南齊集 卷一
膳好學悅徂來先生業初既遙投贄受之其至東也數喬因得相見後從春臺先生學焉業益進也戊辰病卒於大泉大泉羽州莊內也踰歲庚午嗣子字文強以大夫門下士加賀山生所具行狀請喬作銘其墓按狀君以巨室居大夫職有年忠直無私所舉有司無不稱職或以其多取舊故誚為黨君曰才不才唯君在且孔子不云乎舉爾所知苟有所知寧肯為人言枉公家之利乎毀譽無經意必以其道羽州田所溉皆仰最上河流大泉疆場多縣官治吏據

勢不恤國邑河溢大泉年甚有司畏吏不敢白君乃故至東都圖上利害典農司遂以聞政府乃得請築隄國免水災貧民多不舉子設禁數嚴不止君患其俗弊令給貧民乳者食一口五年不問男女民喜生育永絕其弊大泉舊俗古稱淳謹治世相承民稍懈怠至君率勵為政亦皆復舊人從事勤無敢惰者初君臨政民多為謗至以惡聲聳動及其成謚如君既多施善政富庶益殖年穀連熟君復令所在設義倉以備凶歲君少及先大夫事之竭其孝與人忠告見

南亭集 卷之六 十一
愛人爲善如自己出或見懷詐者避之如仇加以不
學諄諄倡之苟爲學者厚給助之以故士民興學絃
誦之聲相聞稱爲方盛公家任得其人寵待優異外
自僚友內至家僮莫不畏其威而懷其惠者壹以誠
信謹嚴立其守恒誦法言以勅子弟病既革困劇所
言猶經義與公事而已好雅樂臨卒令少子金剛奏
臨河欣然就終年五十六實寬延元年戊辰七月九
日也葬于國東光明寺先塋元配芳賀氏生其嗣文
強名邦香次配松平氏生少子金剛有女天凡君行

已與其事上養民恭敬之修惠義之績以至其家系
所世加賀山生所狀詳矣是既足以不朽矣喬既受
狀而老疾不能操觚數年且吾尚何足爲大夫重惟
初時相見固已有意其爲人及讀其狀慨然未嘗不
惜其遺愛且同社之義亦不可廢於是乃序其略作
銘其銘曰大夫居職君子之道見學之所殖匪獨邦
之彥

守山大夫岡田君墓碑

君諱宜汎字彥愛號兼山本水戶中澤子來繼守山

大夫英岳岡田子家系具英岳碑先侯莊公時君繼
列下大夫遷傳世子又爲上大夫爲人剛健敢直言
勤敏於事俄中口語廢銅常松川數年莊公老焉今
侯承封方修庶政欲得其人而任之且深懷輔導之
舊驛而召君至則延見別室侯朝服危坐而待乃勞
曰子幸無恙是天佑我也不穀不逮臨茲社稷子將
何以輔我上大夫事願一在子君辭三侯敦喻益切
不得辭然後明日命于朝復舊職見莊公公曰往事
寡人過矣大夫勉旃幸輔嗣君於是藩事內外皆總

於君君政頗尚猛曰子產之言可用然仁出忠誠孚
于上下舉藩宅心時方荐災藩用匱乏士民告困侯
既憂之君幹才善謀乃制入出利給贍五年政成侯
悅加祿賞績既乃君曰吾責畢乞致政不許今春得
病猶力事不懈數乞辭職不許至冬病漸篤侯深爲
憂日使人賜物問疾君復乞再三侯不得已聽之使
子宜民繼祿給君優養君剃髮自稱遜軒乃照鑑笑
曰浮世志畢矣時病既革乃見親戚僚友告訣遺戒
然後謝遣獨孺人二子在枕足賦詩詠歌晏然而逝

年六十三、寬延庚午十一月十七日也。上下莫不哀惜焉。就葬常泉先塋。孺人今井氏生男宜民、字于天。次知周、字道濟。出繼同藩師岡氏女六、其一適小倉臣黑部某。餘夭。君幼在中澤家、所生酒井氏賢而知學。常親授君經、以故長好學。從安澹泊遊藝、彰考館。後來東都、久之會藩世子重物氏業、聘平子和。於是又交歡物氏、學益進、以經術助其治、稱良大夫。喬以交悉君詳矣。銘曰：視公如己，忠乃效，誠之動物。古之教。

雲華東城先生墓碣

先生諱汝亨、字伯通、雲華、其號玄泰。餘菴皆常稱也。參岡崎人本齋藤氏、初本多氏、封岡崎。曾祖某、事之從大坂、役有功。及祖宗德君、更族東城、為醫仕水野侯于岡崎。遂世焉。考南川君玄意、自水野先侯高隆公時、先生甫弱冠、既以其術與其考俱歷事。及今初考卒、先生中受嫌疑、數被黜削、而為人冲雅、不欲為激烈行、不必自白其無罪。遭此泊如、然亦以終長者。後得見明、受其世祿、以至令終、人皆以是重焉。世業

之餘頗通文學藩士大夫莫不敬焉寬延四年八月
卒年五十八葬東都西北大泉寺配氏子姓具其嗣
男維齡所狀餘子綽與先生同藩甚相得既而助其
嗣爲請銘墓於余先生少學醫醫官大圓先生與平
子和相善遂又見物夫子學文從諸子遊而以其冲
雅不必營名雖同社子不能深測其爲人獨物夫子
論醫稱其爲良不置子和亦數數爲余道其才余則
時時得從子和交焉今也雖老僅存爲故因銘曰術
夫子所稱才故人所知亦孚其君臣胡用赫赫爲

白圭松崎君墓碑

白圭松崎君卒其子君修具狀請喬墓銘事余與君
修相識且嘗得一見白圭君子物先生所又因所識
屢聞其爲人稔矣按狀曰君松崎氏諱堯臣字子允
又字左吉白圭其號也自其考紹成君諱嘉言仕篠
山侯篠山者今龜山侯舊封也位次下大夫妣木村
氏生君子東都邸君幼不几八歲就學日夜不懈考
又教督至矣比十歲事事既若成人慨然有志于忠
誠弱冠以倅事受廩俸先侯亮清公爲西京留司今

南齊書卷之八
公爲世子留東都令君侍世子以嚴正見重世子嘗
與近侍語及木枕飾制君對曰凡物爲衆視事觀美
枕則在寢獨用若或燕客飲劇後爲偃臥飾其美則
亂儀已甚非人君宜訓也世子稱善其規諫率如此
君年三十二考卒嗣受家祿明年赴西京留府其年
亮清公入爲相君又東徙亮清公即世今公立爲侍
臣長時諸臣少進見君乃上言親大臣體群臣之義
因疏公日月引見內外之規并具 國家之制及列
國可法証例進公悅從之君常進謹言勸勤學首寫

神祖遺訓以進左右有導非傲寵者君乃諫公且責諸
大夫以無匡救公就國君留東乃寓書在國大夫賢
者及侍臣勉其勸學遠佞公東朝好燕游日集賓客
君疏諫言激切公不懌然久乃嘉納復徙篠山公既
有意勤政用君君與上大夫賢者協心補益國事諸
多立政享保八年郡山國除 朝命篠山侯收其城
邑凡處以軍法公乃令君董其役明年竣事還後上
大夫賢者相繼卒年少用事先是君既爲下大夫爲
政聲聞藉甚且切直見譚嚴旌淑慝終爲巧者所中

得罪落職君既不在職用事者益橫君憂
言不可欲默亦不忍坐視之乃親筮之遇渙之坎占
之曰吉遇渙散之時身處坎險欲速則無功反陷險
難慎密剛健俟時乘勢渙散其血杳然出坎如風行
水上故曰渙其血逖出无咎互體為艮震節操剛健
立志貞正艮其背不獲其身行其庭不見其人則雖
號號震驚不失匕鬯乃後得笑言啞啞故其彖曰利
涉大川利貞渙散其血而得免於險以是也時有夢
亦與此協乃沈晦俟命頃之為國留守用事者果以

驕淫得罪於是君寃得白諸譖君者公皆疾不用公
入領祠曹兼聽郡國政乃召君命總領府事會嬖人
以事嗾君者無幾公辭職猶尚不得久在事君以下
大夫典客不與政數年致仕寶曆三年五月十二日
以疾卒年七十二葬於東都麻布天真寺初再娶皆
無子早卒後娶富安氏生二子長惟時字君修嗣祿
次天生一女適安中大夫橫井時保君少從撫謙先
生為宋學後之京見東涯先生東都數見徂來先生
又悅王陽明學後又悟其非作書論諸家其短

長頗有所見名曰正言者錄凡若二皆藏
宰德夫高子式相善為人公直不撓然在人上御下
不苟凡奉君事國修己治家一以忠誠守以學問以
狀視之君子之道莫不盡備君修既事德夫學業夙
成最善文辭君生平諫疏及立國政之制皆載在狀
盛矣君之不朽得君修益彰有子哉喬老廢之餘不
能曲悉其事乃為君修略叙一二繫以銘曰維其行
事終始典學亦猶行古之道乎執志確矣

峨嵋守屋君墓碑

君守屋氏諱煥明字秀緯嘗號峨嵋山人其先河內
若江東弓削邑人高祖小十郎君諱定昌仕甲武田
氏天正庚辰於參州長篠戰死曾祖內藏君諱昌長
繼仕武田後主天正壬午鳥居嶺役力戰被重創退
本國油川養疾而國亡國家創立徵甲名族內藏
君與焉祖源左衛門君諱定秀為駿河公國臣公國
除退隱總之古河卒考諱唐字秀安業醫于東都卒
妣黑川氏君元祿癸酉生于東都繼守醫業有弟早
夭君出仕大垣侯移濃娶同藩石川氏女

長元泰字元亨從君數求就吾黨學好學
守屋氏有子次公泰字繁右衛門女一人適后藩河
井政休己生孫子君以寶曆四年甲戌三月廿五日
卒年六十二葬大垣城西北岡山是歲四月訃至東
都伯亨寓書余曰先人以閏月得疾未數日奄奄疲
極不食亦無甚患苦一若窮老之病狀然神氣不昏
言笑如常自知其天壽不起百方進藥不肯服既而
謂泰曰吾生無所營死無所求與一世而得澹漠焉
適去處順而已唯沒後速訃東都服子不朽之事亦

一託之爾等得此九泉之下吾猶生遂以三月廿五
日終不肖孤哀痛如割未及它事乃以先人遺言不
敢留命而訴之先生耳亦知先生病不可請唯先人
臨終之言泰也刻骨此焉舍之不肖孤無復立於天
地間泰也幸辱通家之遇數受垂愛先人平常雅談
未嘗口他人所欽先生一人而已若以先人之故與
不肖之愛乃得賜一言父子生歿永全大庇唯先生
裁焉不敢請也田俊卿以同藩之好亦相助請不已
余既受狀願惟與君相識久矣哉初君少

東壁後從東壁來見物先生既而東壁沒
愛君所為克肖東壁每言東壁不死君善詩文亦不
留稿不欲為詭激之行夸詡之言社交雖廣無甚親
疎唯故越公君瑞平文莊子和與余賞其通敏相得
二三而已有險刻人疾其難樽沓背憎至縱責怒君
聞笑受之已幾乎犯不校君晒落接世中具白黑守
躬終始如一君子人也今也相識皆逝嗚呼以余為
猶知人乎唯老不能文不足為君重略序其所知因
西向吊哭係以詩曰莫逆稀相視天涯哭子桑故人

誰健在之子忽喪凶歲月恃同世江山竟異鄉賞音
獨存耳往事一茫茫

冬嶺佐藤公埋銘

卜居斯里永馮其子神之攸寧佳城不暝

周南先生墓碑

周南先生諱孝孺字次公一字少助山縣氏生于周
南海北邑因號周南考良齋君諱長白嘗以邑人事
長門公族海北君初長門先侯青雲公為海北君嗣
子良齋君師儒侍焉及公繼封長門在

移入荻府時以碩儒在公左右如初有三子長子與
君早卒先生以次子繼考業天性穎悟年甫齒受句
讀輒誦如流稍長通四子五經大義良齋君課子弟
學頗嚴常戒讀書樓上無故不得下先生強力專精
日夜在樓手不釋卷於是四部群籍百家雜說涉覽
之功殆遍年十九東遊師事物夫子夫子以修古為
本經義文章皆由是出時方始唱和者蓋寡獨有滕
東壁從焉先生至則大說其學與東壁相視切劘夫
子亦自稱得其人爾後物家之學日興從者益盛遂

至海內靡然鄉風吾黨至今以二子羽翼傳為稱首
居東三年業成而歸正德三年韓使來聘朝命其
所經郡國例當饗賓使舟至長門封疆赤馬關館焉
侯乃遣諸文學待接先生與焉先生年尚少而與韓
諸書記應酬敏捷文才雋逸韓人大賞異之對州兩
伯陽亦擯賓座次交歡先生日以海西無雙韓三使
睹先生所作至因伯陽格外請見先生詳見問槎畸
賞及先生集中於是聲名籍籍著聞海內是後侍侯
及東侍世子讀侯朝覲則從東就國則從西產

先生離其側享保十三年及齋君卒先生占變
是歲亦當從東時喪期既闋然至哀之情不能已乞
假願竟志一年不許強起從焉歷仕秦桓公觀光公
間年西東蓋多歲矣寵待益隆先是先侯命創建泮
宮使國人子弟游處設師導廩諸生釋米養老之禮
以時大聚群書且六藝武技諸當教習者悉備其中
事皆摭古據式雜以今制乃既巍然中國而成名曰
明倫館先生先已為侯獎順其事與議其制於是崇
化厲賢之道大行矣元文二年館祭酒倉尚齋卒先

生代督館事乃不復東既為祭酒益立學規訓厲有
方育英之效日月益進講誦習禮弦歌之音不斷若
山子濯田望之津士雅倉彥平滕子萼田子恭仲子
路魯子泉林義卿龍彌八縣魯彥秦貞父彬彬輩出
咸潤色先生業以學顯於世其餘士大夫不必專學
職而傑然成才知名者不可勝計長門好學之俗雖
其天性蓋先生教化之力亦居多云先生為人愷悌
易事其教喻也道而弗牽開而弗達循循誘掖使其
自己以故生徒樂群親師遂致濟濟之成先生

之餘歷練時事其執經陪席講筵或侍問燕故
諭陰盡匡濟之益或與大夫有司出謀發慮忠告裨
益臨斷大義則據獨見之明侃侃不可奪焉人盡敬
服以喬所視其數東也同社之交固弘矣先生溫厚
不以所長加人毫無忌克遊驩之際胸襟恢宏賞會
言笑怡怡如也皆無不推尚其為長者者先生兼精
國史譜學吾邦典故諸家閱覽皆能明辨嘗奉
命選公室譜牒諸臣系譜他所著行于世者有文集
為學初問作文初問若干卷延享二年得病經歲不

已凡在禔八年自國相憂之者百方求治不驗以寶
曆二年八月十二日終年六十六舉國莫不悼惜焉
葬國城北古萩里保福寺初配松村氏生泰恒元恒
卒再娶長嶺氏生允升卒又娶小野氏生子天小野
氏卒最後娶綿貫氏生政恒忠恒長泰恒字之恒嗣
餘皆出繼他族既而之恒具其狀遠寄余託以銘墓
事長門固富學士大夫余不可敢奪其權且老夫廢
業不能文矣足為重然既命矣顧久辱兄弟之誼親
好匪他今不可辭乃承其狀略叙始末敢係以銘

其辭曰致君以道師儒之得興學化民維維之功不
有君子焉大其國德之不朽永言矜式

神戶長德公祠堂碑

右銘

寶曆七年丁丑二月廿九日故神戶侯長德公終于
東都高阡別第葬于江東靈巖寺臨葬嗣侯忠永具
公行狀譜第屬喬為墓誌即埋之法謚曰長德公公
諱忠統字大乾號猗蘭享年六十七其德善功烈既
詳其誌是歲夏六月嗣侯將還封于神戶謂喬曰嗚
呼往而不可再者親乎格而不可度者神乎既已皇

皇如有望而弗至弗忍一日離也孤亦將遠歸歸當
為我公祠封邑而祭之哀哉春秋霜露之變悽愴怵
惕之心孤將何以得儼然必有見乎其位何以得肅
然必有聞乎其容聲愾然必有聞乎其歎息之聲乎
惟是聞之故老云神戶為城舊矣往者織田氏霸也
滅勢州北畠氏之國割其列城封子弟神戶其一也
後及國初屢易其主寬永中遂命毀焉中廢百年
延享中月議令因舊趾復城我公以功勞益封
移食神戶因命降我公公時在職不得就

遷制

經營至明年竣功城隍門樓煥壯矣
封守尚且于維城奉中國家一衛則我公燕翼所
之貽厥所石矣尚焉致愛則存愛之斯錄之豈知神
之所饗孤亦斯盡其道焉耳是且可無記乎喬曰唯
然是謂思成請以紀其事為碑乃相議石于神戶城
北觀音寺即公祠堂所設也因作銘曰先侯益封于
邑神戶有俶其城既啓爾宇肅肅厥功先侯乃營之
屏之幹此列維城先侯有神乃眷茲壤肇祀馨香歆
然降饗土田廣衍山川鬱盤維神攸寧孫子亦安

